

西園聞見錄

第十二冊

西園題見卷之十二

西園聞見錄卷之十四目錄 內編

鎮靜

前言

韓邦奇

朱以功

劉仕義

于慎行

四則

馮琦

三則

往行

李時勉

金幼孜

吳寧

胡濙

閔珪

楊瑄

王華

王陽明

喬白岩

王瓊

何鑑

陶承學

劉采

曹守貞

于謙

仁慈

前言

王達

梅純

章懋

何孟春

往行

謝子襄

魏驥

李光學

陳一範

高貴

崔文奎

李一寧

胡僊

陶大臨

孫陞

吳玉

劉文恭

吳世澤

汪良彬

孫廉

寬洪

前言

王達

二周

薛瑄

何孟春

二周

祝允明

殷秋溟

劉仕義

朱試

五周

徐學謨

李元薦

張居正

于慎行

往行

開濟

楊維禎

姚廣孝

夏原吉

周忱

魏源

陳鑑

王竑

豐慶

楊守陳

王承裕

張悅

章懋

湯徽績

黃珂

陳白沙

史魯

蔣瑤

屠鏞

徐中行

王夢祥

楊太宰

胡諧

容忍

前言

王達

二則

薛瑄

六則

岳正

楊守陳

吳與弼

何孟春

三則

陳獻章

崔銑

黃省曾

劉仕義

四則

敖英

二則

朱以功

二則

王錫爵

馮琦

袁氏世範

往行

黃性

楊翥

吳寬

梁儉庵

陳白沙

蔣瑤

郭守道

梁儲

楊一清

殷文莊

李淑

管府

顧榮

高校

陳相

李勤

李某

宋栗

凌哲

張槐

沈瑞

陳王政

胡季山

和緩

前言

薛瑄

崔銑

何孟春

韓邦奇

朱以功

劉仕義

郭青螺

往行

錢福

蔣用和

楊世華

節儉

前言

劉基

解縉

王紳

薛瑄 二則

章懋 二則

崔銑 二則

陳獻章

何孟春 四則

湯沐 三則

劉玉

朱以功 二則

張時微 三則

陶大臨

耿定向 二則

張居正

申時行

于慎行

王世貞

徐顯卿

王世懋

馮琦

皆春居士 二則

陳師

張無垢

往行

洪武三年

洪武三十年

陳仲述

李貞

胡澹

楊榮

胡壽安

陳選

劉仁宅

吳與弼

彭時

李瑤

丘敦

陳白沙

張悅

楊繼宗

南渭王譽播

益莊王厚華

劉大夏

李東陽

趙永

韓紹宗

張繼孟

汪良彬

方鈍

徐階

梁材

周延

吳嶽

詹瑩

徐東山

諸大綬

黃綜

孫植

王萬善

陳有年

張振之

仇泰然

吳士選

誠實

前言

薛瑄 二則

余子俊

崔銖

魏校

何孟春 二則

劉大夏 二則

朱以功

張居正

習孔教

于慎行 四則

往行

宋濂

羅復仁

桂彥良

吳沉

趙欽

陳敬宗

張信

陳音

張悅

章懋

童品

尹直

杜銘

周經

王鴻儒

王思旻

薛祐

霍韜

馬自強

袁尊尼

韓世能

沈浮聞

眞率

前言

往行

王英

夏原吉

魏驥

周忱

廖莊

李秉

王恕

鄧廷瓚

陳壯

陳愧齋

吳寬

二則

章懋

朱希周

唐漁石

林春

謙抑

前言

王達

方孝孺

薛瑄

三則

崔銑

韓邦奇

敖英

黃省曾

劉仕義

石瀆子

朱以功

三則

徐階

鄧文潔

徐顯卿

王世貞

李詒

往行

郭威襄

宋濂

楊士奇

余燾

翟善

李黃

吳祭酒

于謙

張士謙

朱永

吳康齋

陳寵

屠鏞

于鏊

劉大夏

吳寬

謝遷

李充嗣

王陽明

徐階

王之垣

翁興賢

郎瑛

桂古山

梁儲

梁津

尹臺

袁宗儒

馬自強

朱鴻謨

陸光祖

[illegible]

西園聞見錄卷之十四

內編

嶺南 張 萱孟奇甫 輯

鎮靜

前言

韓公邦奇曰遇大事不動心此大賢以上事甚難然本無難見義未至故爲難或爲毀譽其次爲利害又其次則爲得失矣若疑惑則係天資學力不足不疑惑更說恐懼不得子路之死難雖不恐懼乃恐懼之甚者未至不疑惑故也

朱以功曰只一堅守捱磨許多歲月學問方有得力處只一安靜消卻無限實危乃是自討便宜處

劉仕義曰居官不以擾爲貴老子烹鮮之喻柳子種樹之說可謂達於治體者矣淺識之人每自矜其智自炫其才日驅所治之民而奔走之日取前人之成規而更易之殊不知上日勞而下日困矣其何能治哉

王陽明先生知廬陵時務以玄默化民縣庭晏然民有訟者亦不令人拘但以一木牌付訟者俾人隨牌至而已其不擾類如此意天下本無事庸人自擾之耳父母斯民者所宜深念也

于慎行曰孫沔受命征儂智高時請發騎兵求武庫精甲宰相梁適抑之曰毋張皇沔曰前日惟無備故至此今乃欲示鎮靜耶夫實備不修而貌爲鎮靜危亡之道也此言切中事理可以破玩愒矯拂之弊矣然天下事變亦忌張皇有備而張皇所失猶小無備而張皇蓋亦危亡之道適之所見未爲非也

又曰司馬之得政劉放孫資成之也曹爽之受禍何晏鄧颺激之也放資邪罔之臣何鄧浮華之士怙寵罔利至于敗國自赤其族故用人者當取沉靜誠慤之士雖未必有益於國決不至敗壞不然以名取人乃畫餅耳傅嘏謂曹羲曰何平叔外靜內躁銛巧好利必先惑于兄弟味嘏數言眞可爲萬世觀人之法天下有一等人其外雍容閑雅冲曠恬夷眞若不食烟火而心術佻巧志趣輕躁慕利如焚趨時若鶩無識之

士方且以風度期之衆人營營同辭慕尙不遇正法眼藏欺人無已矣然如此者其人祿位亦必不永何也動爲輕根靜爲躁君凡人心靜而貌動者此亦不宜然以靜御躁猶自可久若外靜而內躁是以動御靜也祿不留矣

又曰董晉帥宣武陵長源爲行軍司馬晉爲人仁柔多可而長源性剛刻好更張舊事晉初皆許之旣成則命且罷由是軍中得安此可爲長官鎮靜之法大抵喜事之人性機鋒銳有所建設必欲求成然亦厭怠不能持久若請而不許則持之益堅暫許而終罷之則其興已闌不復爭矣長源躁人他日代晉領軍爲軍士所殺鬻而食之使晉事從其請不待長源而亂矣

又曰宋趙鼎再相無所施爲或以爲言鼎曰今日之事知人病羸當靜以養之若復攻擊必損元氣矣此眞濟時之言國家當積衰之勢固必振刷整頓以作民志而元氣已虛不勝藥石尤須安靜調養俟其自復所患好功喜事之徒以有事興作自爲名蹟而不傾國之利害則天下

陰受其敵而不可救安得長者之言乎

馮公琦曰天下患在眞玩愒假張皇眞俞安假鎮靜事至張皇已非勝算矧其請兵請餉原無制敵謀國之誠只是欲朝廷見得任事科道可以無言異日事之不濟則曰當日已曾言之矣至於肉食者計畫無所出只得外示閑暇苟安旦夕異日有事則淪胥及溺而已故所謂張皇鎮靜皆非眞是惟玩愒俞安乃其本色耳

又曰大直無繩大強不競是非相乘利害相攻如水在防火在原未嘗暫靜也躁而激之動而擾之則亂矣善救火者撤屋薪疏火道則火勢及一室而止流水不務導下流隄之障之激陽侯之怒則益決益塞故救水火者勿與水火爭所損者小而全者大治天下亦猶此矣

又曰一切世緣膠膠擾擾擾即不斷斷即無擾我能不驚誰則貿之我能不迎誰則就之非能使人保汝而不能使人無保汝也沉冥吏隱彼爲何人塵容俗狀此爲何事夫多言而數當不知其寡也數動而數有益不如其無損也有譽無毀不如其毀譽兩忘有是無非不如避而出

是非外也凡天下事常苦多精神常苦少以日少當日多未有不爲身
害者卽不獨應酬一事多記損心多語損氣形太用則勞神太用則竭
夫爲清心省事可以自保子曰以約失之者鮮矣請日三復於茲言

往行

李忠文公爲祭酒因除國學庭樹被罰是日先生方坐東堂閱試卷而
錦衣官校猝至掩卷起身免冠解帶受縲綬合監師生皆驚愕失色獨
先生神色自若徐呼諸生近前與語曰某人某處講是某處講非某人
今次少勝前某人比前不及因顧僚屬曰還須校定高下出榜語畢乃
行已而命枷實監前監生三千餘人上疏救解有石大用者又具本願
代枷事乃釋先生少歷艱險操存有素故禍亂不足以動心如此真有
古人氣象而石大用者義氣激發於儕輩中亦不可多得然非先生德
學感人之深何以致此

成祖皇帝榆木川之崩金文靖公速集諸內侍祕不發喪銷錫爲柙固
之卽殺工減口作二詔一爲遺詔入朝一召東宮于留都俾星馳卽位